

SCRIPT OF EVENING GOJRI NEWS BULLETIN 1OCT 1700 HRS

ایونینگ گو جری نیوز بلیٹن مورخہ 1 اکتوبر 2025

یوہ آکا شوانی جموں ہے عبرالرحمان تے نصرت چوہدری تیں خبر سنو۔

HEADLINES

- ۱۔ مرکزی قابینہ نے مرکزی حکومت غا ملازمین تے پینشنراں واسطے مہنگائی بہتہ یعنی ڈی اے ڈی آر مانہ 3 فی صد اضافہ نانہ منظور دی ہے۔
- ۲۔ نائب وزیر اعلیٰ سریندر چوہدری نے راجوری غا کانگری علاقہ مانہ اہم سڑک پروجیکٹ غو نیں پتھر رکھیو ہے۔
- ۳۔ جموں کشمیر پولیس نے بڈگام کشمیر مانہ ایک سخت کاروائی کرتاواں یو اے پی اے غے تحت ممنوعہ تحریک حریت غا دفتر نانہ ضبط کرلیو ہے۔
- ۴۔ شمالی ریلوے غی طرفوں تہواری موسم تیں پہلاں جموں تیں 16 ریل گڈیں دوبارہ شروع کی جیں غی۔ سٹیشن ور پیدل کراس کرن آلو نوو پُل تکمیل غے قریب ہے۔
- ۵۔ نوراتری غے دوران 1 لکھ 70 ہزار تیں زیادہ یاتریاں نے ویشنو دیو شرانین ور حاضری دتی ہے۔

CABINET DECISIONS

مرکزی قابینہ نے مرکزی حکومت گا ملازمین نانہ مہنگائی آلو ونس یعنی ڈی اے تے پینشنرز نانہ مہنگائی ریلیف یعنی ڈی آر مانہ ترے فی صد غا اضافہ غی منظوری دے دتی ہے اج نویں دلی مانہ قابینہ غی میٹنگ تیں بعد اطلاعات ونشریات غا وزیر اشونی ویشنو نے ذرائع ابلاغ سنگ گل بات کرتاواں دسیو جے اس سنگ تقریباً 49 لکھ 20 ہزار مرکزی حکومت غا ملازمین تے 68 لکھ 70 ہزار پینشنراں نانہ فائدو پیجے گو انہاں نے کہیو جے اس نانہ اس سال پہلی جوالنی تیں لاگو منیو جے غو اس موقع ور بولتان واں مرکزی وزیر اشونی ویشنو نے اس طرح کہیو۔

DY CM RAJOURI

نائب وزیر اعلیٰ سریندر چوہدری نے بیڑی پتن راجوری غا کانگری علاقہ مانہ اہم سڑک پروجیکٹ گو نیں پتھر رکھیو ہے یاہ سڑک چک تبیلہ تے نواد علاقہ نانہ کانگری سندرینی سنگ جوڑے گی جہڑی کہ علاقائی رابطاں نانہ زبردست فروغ دین غو وعدو کرے یوہ پروجیکٹ ٹرانسپورٹ نانہ آسان بنان دور دراز علاقوں توڑی رسائی بہتر کرن تے سماجی معاشی ترقی نانہ فروغ دین غی توقع رکھے نائب وزیر اعلیٰ نے کہیو جے حکومت دیہی علاقوں مانہ بنیادی ٹہانچہ غی ترقی واسطے پُر عزم ہے مقامی لوکاں نے اس قدم نانہ خوش آمدید کہیو تے اس نانہ بہتر نقل وحرکت وعلاقائی ترقی در ایک دیرینہ قدم قرار دتو۔

BUDGAM OFFICE ATTACH

علیحدگی پسند ٹے غیر قانونی سرگرمیاں غے خلاف بڑی کاروائی مانہ بڈگام پولیس نے بند کیگئی تنظیم تضریک اے ہوریت غا صدر دفتر نانہ غیر قانونی سرگرمی ایکٹ یو اے پی اے غیتحت ضبط کرلی وے یاہ کاروائی خطہ مانہ امن وامان نانہ

قائم رکھن تے ملک مخالف عناصر ور قابو پان غی کوشش غو حصو بے حکام غو کہنو بے کہ بے دفتر غیر قانونی سرگرمی واسطے استعمال کیو جارہیو بے پولیس نے اس گل غو دعوو کیو بے کہ قومی سلامتی تے عوامی حفاظت نانہ نقصان پُجان آلی تنظیم تے افراد غے خلاف سخت کاروائی جاری رے غی۔

SEVA PARV GLOBAL SOUTH

سیوا پرو غا خصوصی سلسلہ غے تحت اج ہم اس گل ور روشنی کہلاں گا کہ مودی حکومت نے کس طرح عالمی شراکت داریاں نانہ مضبوط بنایو بے تے بھارت نانہ دنیا غی ایک طاقت ور آواز بنایو بے۔ وزیر اعظم نریندر مودی غی قیادت مانہ بھارت غی عالمی سطح ور موجودگی نوی بلندیاں نانہ چھو رہی ہیں۔ گلوبل ساتھ غی مانہ شامل کرنو اس گل غی مثال بے کہ بھارت G20 حمایت تے افریقی یونین نانہ کثیر رُخا دنیا واسطے پُر عزم بے برکس قواڈ تے ایس سی او مانہ بھارت غی سرگرم شمولیت نے اس غی حکمت عملی پر مبنی خود مختاری غے نال نال سلامتی ٹیکنالوجی ت دہشت گردی غے خلاف تعاون نانہ وی مضبوط کیو بے۔ وزیر اعظم غا عالمی دوراں نے بھارت غی شراکت داریاں نانہ مزید بدهایو بے۔ اس بارے گل کرتا واں وزیر اعظم نے اس طرح کہیو۔

PROG ANN

آکاشوانی جموں گو علاقانی خبراں آلو شعوبو سیوا پرو 2025 غی تقریبات غے تحت 8 ووں تے آخری خصوصی مزاکرہ پروگرام نشر کرے غو۔ یوہ پروگرام دفعہ 370 تے 35 اے غی منسوخی تیں بعد جموں کشمیر غی تبدیلی غا موضوع ور وے گو یوہ پروگرام 2 اکتوبر 2025 نانہ سویرے ساڈھ 9 بجے نشر کیو جے غو۔ اس پروگرام مانہ مارا مہمان ویں گا پروفیسر ہری اوم جہیرا ایک نامور تاریخ دان، ادیب، تے سیاسی تجزیہ کار ہیں وہ اس پروگرام غا موضوع ور اپنا خیالات تے ماہرانہ رائے پیش کریں گا پروگرام غی میزبانی کریں گا مارا انکر جگموہن شرما تے آلم خان ہکلا سامعین یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سن سکیں گا۔

RAILWAYS RESUMPTION

تہواری موسم تیں پہلاں مسافراں نانہ آسانی فراہم کرتا واں شمالی ریلوے نے اعلان کیو بے کہ 2 تیں 8 اکتوبر غے دوران جموں تیں 16 ریل گڈیں چلائی جیں غی یہ خدمات اس سال اگست مانہ آن آلا سیلاب غے بعد معطل کردتی گئی۔ آکاشوانی جموں گا نامہ نگار غے مطابق بڑی ریلوے پلاں غی مرمت غو کم مکمل ہو چکو بے جس سنگ ریل گڈیاں گی مضبوط آمدرفت ممکن ہو گئی بے بحال شدہ ریل گڈیاں مانہ جموں توں کانپور گھوہاٹی سیالده تے دوجی شامل ہیں اسے دوران جموں ریلوے سٹیشن ور پیدل کراس کرن آلو پُل تقریباً مکمل ہو چکو بے جس غو 70 فی صد کم ختم ہو گیو بے اس مانہ لیفٹیننٹ تے کثیر لسانی سائنس بورڈ لایا جیں گا تانجے تمام مسافراں واسطے حفاظت تے سہلوت بدهائی جاسکے۔

YATRA DARSHAN

اس نوراتری غے دوران اجوں تک 1 لکھ 70 ہزار تین متہ عقیدت منداں نے شری ماتا ویشنو دیوی شرائین ور حاضری دتی ہے شرائین بورڈ غا سی ای او سچن کمار ویشیہ نے دسیو ہے جے مہانومی غے دن ملک پھر تین عقیدت مند اس پوتر گھپا شرائین غادرشن واسطے آریا ہیں شرائین بورڈ نے یاتریاں واسطے محفوظ آسان تے آرام دہ یاترہ غا انتظامات کیا ہیں

عقیدت منداں نے رنگ برنگی پھولاں سنگ آراستہ اس تجربہ نانہہ روحانی طور ور خوش گوار قرار دتو، جس سنگ یاہ توراتری پہاڑی شرائین ور ایک یادگار جشن بن گئی۔ آکاشوانی نیوز سنگ گل بات کرتا واں شری ماتا ویشنو دیوی شرائین بورڈ غا سی ای او سچن کمار ویشیہ نے اس طرح کہیو۔

GST HANDICRAFTS

جدید دور غی جی ایس ٹی اصلاحات غے تحت حکومت نے دستکاری شعبہ مانہہ ٹیکس غی شرح نانہہ کہٹ کیو ہے تانجے تاجراں کاریگراں تے صارفین ور بوجھ کہٹ ہوسکے روز مرہ غا سامان جسراں کہ مٹی گا برتن چینی گا برتن ٹیرا کوٹا تے کچن گا برتن ور جی ایس ٹی 12 فی صد تیں کہٹا غے 5 فی صد کردتو گیو ہے مجسمہ سجاوٹی برتن تے شیشہ غی بنی چیزاں ور وی ہن صرف 5 فی صد ٹیکس لگے غو جہڑو پہلاں 12 فی صد تھو۔ اس قدم غو مقصد گھریلو ضروریات نانہہ سستہ بنانو تے بھارت غی روایتی دستکاری غی مانگ نانہہ بدھانو ہے تانجے کاریگراں غی مانگ نانہہ سہارو مل سکے۔ جموں کشمیر غی عوام نے اس فیصلہ نانہہ سہراتا واں اس طرح کہیو۔

POONCH SANITATION

صفائی نانہہ فروغ دین غی قابل تعریف کوشش مانہہ ضلع انتظامیہ پونچھ غی قیادت ڈپٹی کمشنر اشوک کمار شرما نے صفائی ملازمین تے سکول غا بچاں نانہہ صفائی غو سفیر نامزد کیو ہے سیوا پرو مہم غے تحت یاہ پھل صفائی تے حفظان صحت تیں تعلق شعور بیدار کرن واسطے ہے ڈپٹی کمشنر پونچھ نے صفائی ملازماں نانہہ صاف ستھرو شہر بنان آلی ریڈھ غی بڈی قرار دتو ہے تے طلبہ نانہہ شامل کرن ور زور دتو ہے تانجے شہری ذمے داری پیدا ہوسکے انتظامیہ نے عوام تیں اپیل کی ہے کہ ان کوششاں گو ساتھ دیں تے ایک واری استعمال ہون آلا پلاسٹک غا استعمال نانہہ کہٹ کریں۔ آکاشوانی غا خبراں آلا شعوبہ سنگ گل کرتا واں ڈی سی پونچھ اشوک کمار شرما نے اس طرح کہیو۔

WEATHER

جموں کشمیر مانہہ محکمہ موسمیات نے 5 تے 6 اکتوبر نانہہ اُچا پہاڑی علاقہ مانہہ اس موسم غی پہلی برف باری غی پیش گوئی کی ہے جس تیں تہاڑی غا درجہ حرارت مانہہ کمی آئے گی۔ آکاشوانی جموں گا نمائندہ غے مطابق 4 اکتوبر توڑی موسم عام طور ور خشک وے گو تے تہاڑی تیں بعد، ہلکی بارش تے تیز ہواواں غو امکان ہیں کشمیر، وادی چناب تے پہاڑی علاقہ جسراں کہ مرگن ٹاپ ور ہلکی بارش تے برف باری ہوسکے اس دوران محکمہ موسمیات نے مٹی غا تودا تے پتھر کھسکن بارے اندیشو وی کیو ہے۔
